

## Cyngor Bwrdeistref Sirol Wrexham

### Safonau Tai – Canllawiau ar gyfer Eiddo Preifat ar Rent

#### FFEITHLEN 3

#### Tai Amldeiliadaeth – math ‘Bedsit’ un ystafell



### e.e. Tŷ a ffurfiwyd o lety unigol ar rent (sy'n gallu cynnwys cyfleusterau coginio unigol neu beidio) lle bydd gan bob gosodiad ei gytundeb tenantiaeth ei hun a chlo ar bob drws.

*Nodyn Pwysig – Datblygwyd y canllawiau hyn i gynorthwyo landlordiaid yn y sector rhentu preifat gyflawni eu hymrwymiaidau cyfreithiol o ran safonau tai. Efallai na fyddant yn briodol nac yn ddigonol ym mhob achos.*

Offeryn asesu risg yw'r System Mesur Iechyd a Diogelwch ar gyfer Tai (HHSRS) ar gyfer asesu 29 gwahanol berygl mewn eiddo ac adeiladau preswyl. Egwyddor HHSRS yw 'y dylai unrhyw eiddo ac adeiladau preswyl ddarparu amgylchedd diogel ac iach i unrhyw un sy'n byw yno neu ymwelydd'. Mae rhagor o wybodaeth i'w chael yn [www.communities.gov.uk/hhsrs](http://www.communities.gov.uk/hhsrs)

Cyn dechrau'r denantiaeth, dylech archwilio eich eiddo a chwilio am unrhyw beryglon amlwg. Fe all y canllawiau canlynol fod yn ddefnyddiol:

#### Tân

**PWYSIG** - Os oes 3 llawr neu fwy yn yr eiddo ac adeiladau, bydd rhagofalon tân ychwanegol at y rhai hynny sy'n cael eu rhestru isod yn ofynnol. Cysylltwch â'r tîm i gael rhagor o wybodaeth.

*Dylai cynllun, adeiledd a chyflwr yr annedd gyfyngu ar berygl tân, cyfyngu ar ymlediad tân, a darparu ffordd ddiogel a hawdd o ddianc os digwydd tân. Seiliwyd y canllawiau isod ar lefel arferol o risg:*

- Mae angen llwybr dianc gwarchoddedig 30 munud gyda drysau tân priodol ar holl ystafelloedd risg.
- Rhaid gallu agor drysau allanfa derfynol a drysau ystafelloedd cysgu o'r tu mewn heb ddefnyddio allwedd.

- Ni ddylid gorfod mynd trwy ystafell arall o ystafelloedd cysgu cyn cyrraedd llwybr dianc.
- Ni ddylid gosod cloeon ffenestri awtomatig.
- Rhaid gosod system larwm tân prif gyflenwad Categori LD2 Gradd D, ar sail y disgrifiad yn BS 5839: Rhan 6. Gwelwch y canllawiau isod:

Cyfleusterau coginio	Cwmpas
Ar y cyd	Larymau mwg cydgysylltiedig ar hyd y llwybr dianc ac ymhob gosodiad, lolfa (a seler) + larwm gwres cydgysylltiedig yn y gegin
Cyfleuster	Larymau mwg

coginio unigol ymhob gosodiad	cydgysylltiedig ar hyd y llwybr dianc a larwm gwres cydgysylltiedig ymhob gosodiad (a seler) + larymau mwg anghydgysylltiedig ymhob gosodiad
-------------------------------	--

- Pan fo cyfleusterau coginio ymhob gosodiad, rhaid darparu blancedi tân ymhob gosodiad.
- Fe all fod angen goleuadau argyfwng os yw'r llwybr dianc yn hir, cymhleth neu nad oes unrhyw oleuni benthg.
- Diffoddydd tan aml-ddefnydd yn y llwybr dianc.
- Dylid rhoi gwybodaeth atal tân i bob deiliad.

### Gosodiadau a thaclau trydanol

- Rhaid gwirio gosodiadau golau a phŵer trydanol a'u hardystio'n ddiogel gan rywun gyda chymwysterau priodol o leiaf bob **5 mlynedd**.
- Bydd prinder socedi trydan yn arwain at orlwytho peryglus. Lleiafswm cymeradwy socedi yw:

Lleoliad	Nifer y socedi dwbwl
Ystafell fyw	4
Ystafell wely dwbwl	3
Ystafell wely sengl	2

- Dylid archwilio taclau trydanol ar adeg eu darparu'r tro cyntaf, bob blwyddyn ac ar ddechrau pob tenantiaeth newydd.

### Gosodiadau a thaclau gwresogi

- **Rhaid** gwirio holl osodiadau a thaclau gwresogi (nwy, tanwydd soled neu olew) a'u hardystio'n ddiogel gan rywun gyda chymwysterau priodol o leiaf **bob blwyddyn** ac yn ôl gofynion y gyfraith.
- Rhaid i'r gosodiadau a'r taclau gael eu gwasanaethu a chael tystysgrif gyfredol archwiliad diogelwch gan

rywun gyda chymwysterau priodol (e.e. o ran gosodiadau nwy, peiriannydd ar Gofrestr Nwy Diogel (0800 408 5500 neu [www.gassaferegister.co.uk](http://www.gassaferegister.co.uk))

### Gwaredu Gwastraff

- Mae dyletswydd barhaol ar reolwyr HMO i sicrhau darparu digon o finiau ar gyfer nifer y preswylwyr. Lle bo angen, rhaid gwneud trefniadau ychwanegol i sicrhau bod cyfleusterau gwaredu gwastraff priodol ar gael.
- Mae'r ddyletswydd hon yn ymestyn i breswylwyr ac mae'n gofyn eu bod yn cadw a chael gwared ar ysbwriel yn unol â'r trefniadau a wnaed.

### Rheoliadau Rheoli

Mae llawer o ddyletswyddau ar reolwyr HMO gan gynnwys:

- Rhoi gwybodaeth i br;
- Cymryd camau diogelu;
- Cynnal cyflenwad dŵr a draeniau;
- Cyflenwi a chynnal nwy a thrydan;
- Cynnal rhannau cyffredin, gosodion, ffitiadau a thaclau;
- Cynnal rhannau byw;
- Darparu cyfleusterau gwaredu gwastraff.

*Mae manylion i'w gweld yn Rheoliadau Rheoli HMO (Cymru) 2006*

### Trwyddedu HMO

- Os oes 3 llawr neu fwy yn yr eiddo ac adeiladau a 5 neu fwy o bobl yn byw yno mae'n debygol y bydd angen trwydded HMO. Cysylltwch â'r tîm i gadarnhau. Gall peidio â chael trwydded arwain at ddirwy o hyd at £20,000.

### Diogelwch Cyffredinol

- Rhaid i'r annedd fod â diogelwch adeileddol cyffredinol rhesymol. Lle bo angen ailosod drysau, drws a ffrâm, ffenestri neu ffensys, dylai'r

rhai newydd gydymffurfio a Manyleb 'Diogelu Drwy Ddylunio' yr Heddlu. Mae manylion i'w gweld yn

[www.securedbydesign.com/standards/doorslocks](http://www.securedbydesign.com/standards/doorslocks)

### Gwresogi digonol, effeithlon o ran tanwydd ac ag ynysu da

- Dylai systemau gwresogi fod yn ddiwastraff i'w rhedeg o fewn rheswm (rhaglenadwy ac o faint addas i'r annedd) ac yn gallu gwresogi'r annedd i gyd.
- Dylai'r preswylwyr allu rheoli'r gwresogi.
- Rhaid i ddrysau a ffenestri allanol fod yn ddigon tynn fel nad ydynt yn achosi drafftiau difrifol heb leihau awyru cefndirol.
- Rhaid ynysu'r tanc dŵr poeth yn effeithiol gyda siaced 75mm o drwch fan leiaf.
- Dylai fod awyru mecanyddol digonol mewn ceginau ac ystafelloedd ymolchi.
- Dylid darparu o leiaf 250mm o ynysiad to.
- Dylid lagio pibelli a thanciau yn y to gyda 20-25mm o ynysiad pibelli.
- Dylid gwella perfformiad gwresol muriau allanol ble bynnag y bo modd, e.e. ynysu waliau ceudod.

Mae arferion gorau a gwybodaeth am Lwfans Arbed Ynni Landlordiaid i'w cael yn [www.energysavingtrust.org.uk](http://www.energysavingtrust.org.uk) Erbyn hyn mae gofyn cael tystysgrifau perfformiad ynni ar gyfer mwyafrif tenantiaethau newydd. Mae rhagor o gyngor i'w gael yn [www.direct.gov.uk/epc](http://www.direct.gov.uk/epc)

### Ceginau (Rhannu)

Dylai'r canlynol fod yn wir amdanynt:

- Cynllun call a threfn resymegol i ganiatáu paratoi a choginio bwyd yn ddiogel a hylan.
- Gyda rhan weithio wedi'i threfnu'n dda gyda digon o arwynebau gwaith sy'n barhaol ac anhydraid.
- Gyda darpariaeth ar gyfer coginio gan gynnwys popty a hob a lle i osod oergell a rhewgell.

- Gyda digon o le i gadw bwyd, llestri a sosbenni a phadelli.
- Gyda sinc a diferwr o faint digonol; wedi'i chysylltu â chyflenwad o ddŵr yfed oer a dŵr poeth.
- Goleuo ac awyru digonol.
- Digon o socedi trydan yn hwylus i brif fannau paratoi bwyd.
- Gyda deunydd llorio diogel ac addas sy'n wastad ac yn hawdd ei lanhau ac sy'n gwrthsefyll llithro'n ddigonol.

Nifer y preswylwyr	Cyfleusterau gofynnol
Hyd at 5	<b>7m<sup>2</sup></b> Cwcer / hob nwy / trydan gyda 4 llosgydd a phopty a gril. Oergell / rhewgell gyda silff yr un i'r preswylwyr.
6	<b>10m<sup>2</sup></b> and separate dining area Fel unchod (hyd at 5) + cwcer ychwanegol (all fod yn bopty micro-don 20 litr os yw lle'n brin)
7-10	<b>10m<sup>2</sup></b> and separate dining area Fel uchod (hyd at 5) + cwcer ychwanegol, a sinc / peiriant golchi llestri

### Ceginau (Unigol)

- Cwcer / hob gyda dau losgydd a phopty a gril. Os bydd 2 o bobl yn rhannu'r ystafell, bydd angen cwcer / hob 4 llosgydd.
- O leiaf 1 soced drydan ddwbl yn hwylus i brif fannau paratoi bwyd.
- Dylai'r gegin fod mor bell o'r drws ymadael ag y bo modd.

### Ystafelloedd Ymolchi

- Dylid lleihau peryglon llithro cysylltiedig â lloriau gwlyb.

- Dylid cadarnhau tymheredd y dŵr poeth fel mater o drefn.
- Dylid gosod cortyn tynnu os yw offer golau'n cael ei weithredu o'r tu mewn i'r ystafell ymolchi.
- Dylai fod nifer digonol o faddonau a chawodydd a basnau ymolchi.
- Dylai fod drysau ystafelloedd ymolchi neu doiledau'n cloi.
- Dylid darparu'r toiled mewn ystafell ymolchi neu dŷ bach sydd wedi'i awyru a'i oleuo'n ddigonol ac ni ddylai agor yn uniongyrchol i fan lle bydd bwyd yn cael ei gadw neu baratoi.
- Dylid lleoli'r basn ymolchi yn neu wrth ymyl yr ystafell sy'n cynnwys y toiled.
- Rhaid gallu glanhau arwyneb muriau, nenfydau a lloriau.

Nifer y preswylwyr	Cyfleusterau gofynnol
Hyd at 4	1 ystafell ymolchi lawn (bath neu gawod; toiled a basn ymolchi)
Hyd at 5	1 toiled ar wahân gyda basn ymolchi <u>ac</u> 1 ystafell ymolchi (all gynnwys toiled) gyda bath neu gawod
6-10	2 ystafell ymolchi lawn (rhaid bod un toiled a basn ymolchi mewn ystafell ar wahân)

### Safonau Gofod

- Dylai ystafelloedd fod â digon o le ar gyfer dodrefn priodol a dal i adael lle i symud. Rhaid ystyried bod modd defnyddio arwynebedd y llawr i'w gynnwys yn y mesuriad.

### Ystafelloedd Gwely

Nifer y preswylwyr	Maint lleiaf ystafell wely
1	10m <sup>2</sup> (neu 6.5m <sup>2</sup> os

	oes ystafell fyw ar wahân)
2	15m <sup>2</sup> (neu 11m <sup>2</sup> os oes ystafell fyw ar wahân)

Nifer y preswylwyr	Maint lleiaf ystafell fyw / fwyta
Hyd at 5	11m <sup>2</sup>
6-10	16.5m <sup>2</sup>

### Mewn cyflwr da

- Rhaid i adeiledd yr annedd fod yn sefydlog ac yn rhydd o leithder ac adfeiliad.
- Rhaid i furiau allanol, adeiledd a gorchuddion to, ffenestri a drysau allanol a simneiau fod mewn cyflwr da.

### Grisiau

- Rhaid gwneud grisiau mor ddiogel ag y bo modd. Rhaid iddynt fod ag o leiaf un ganllaw sy'n hawdd gafael ynddi ac sy'n ymestyn hyd lawn y rhediad. Rhaid goleuo grisiau'n dda.

### Lloriau

- Dylai arwyneb lloriau (gan gynnwys llwybrau a buarthau) fod wedi'u hadeiladu'n briodol gan osgoi llethrau gormodol ac arwynebau anwastad.
- Dylai lloriau wrthsefyll llithro'n ddigonol yn enwedig mewn ystafelloedd ymolchi a cheginau. Dylai draenio fod yn effeithiol i symud dŵr arwyneb o lwybrau a buarthau.

### Cyngor

- Mae'r tim Safonau Tai yn gallu gynnig cyngor. Manylion cysylltu yw:

Ffon: 01978 315300

Ebost: [tai@wrexham.gov.uk](mailto:tai@wrexham.gov.uk)

(nodwch at sylw y tim safonau tai)

### **Cymdeithasau Landlordiaid**

---

- Mae body n landlord yn gyfrifoldeb mawr a mi fyddwch angen cungr profiadol. Mae llw o wybodaeth ar gael trwy gymdeithasau landlordiaid fel y 'National Landlords Association' ([www.landlords.gov.uk](http://www.landlords.gov.uk)), y 'Residential Landlords Association' ([www.rla.org.uk](http://www.rla.org.uk)) a'r 'British

Property Federation'  
([www.bpf.org.uk](http://www.bpf.org.uk)).

### **Achrediad**

---

- Mae'r Cyngr yn gefnogi cynllun Achrediad Landlordiaid Cymru ([www.welshlandlords.org.uk](http://www.welshlandlords.org.uk)). Mae'r cynllun yn ceisio helpu landlordiaid i redeg busnes llwyddiannus.